

NAA NI DO

MPHATELA NNDU-DE?

 Ndi a ni livhuwa, Mukomana Green. Ndi u tondwa. Ndumeliso kha Mukomana na Khaladzi Green, na vhothe vha re fhano matsheloni ano. Huno ndi u tondwa hune nda pfa uri ndo di nea hone, u da afha fhethu ha vhurereli, u ita ndivhadzo dzi si gathi.

² A thi ṭodi u dzhia tshifhinga tsha Mukomana Green fhano, ngauri ndo no pfa Mukomana Green lwo vhalaho, a tshi amba, huno zwa vhukuma ndo ṭuṭuwedzwa, huno a tshi khou qisa Ipfi la Murena kha riñe, nahone a tshi qitukufhadza nga hawo. Mulovha o ri, “A thi wani Ipfi li bvaho ha Murena sa line khamusi La do da nga nzumbululo, sa-sa Le la rumelwa, fhedzi,” ha pfi, “ndi takalela u-u ombedzela zwe zwa ambiwa.” A ri, “Vhunga musi Paulo o nwala tshiñwe tshithu Bivhilini, ndi da fhano u ombedzela zwe a zwi amba.” Ha pfi, “A thi na mulaedza, u tou ombedzela fhedzi zwe no di ambiwaho zwi bvaho ha Murena.” Zwino izwo zwe vha zwi tshi kanukisa zwa vhukuma, mu-muthu muswa o raloho, huno a amba, a ita lihumbulwa lo raloho.

Zwino kha ri ite thabelo rothe.

³ Mudzimu a funwaho, a thi qivhi uri ndi nga thoma hani, ngauri ndi a pfa zwauri U fhano qamusi, huno Vhuhoneni Hau tshifhinga tshothe ri pfa ri vhaṭuku nga maanda. Huno ndi—ndi a U livhuwa kha u tondwa uhu. Zwino, Murena, ngauri Iwe wo nekedza afha fhethu kha riñe, ri rabela uri U do ṭangana na rine tshifhinga tshothe tshine ra ṭangana fhano. Huno ngavhe Müya Muhulwane Wau u tshi shuma kha iyi dorobo! Ngavhe ri tshi kona u disa uyu Mulaedza wa Mafhungo-madifha we wa nekedzwa riñe huno wa kumedzelwa zwanḍani zwashu maduvhani aya a u fhedzisela, ngavhe U tshi khunyelela, huno Wa bvisa myua muñwe na muñwe Tucson na u mona hothe, we Wa u tela Vhutshiloni. Tendela izwi zwithu, Khotsi, nga Dzina la Yesu Kristo. Amene.

⁴ Ndi elekanya uri ndi ṭodou vhala ndimana thukhu ya Luñwalo fhano matsheloni ano, ndi sa athu amba aya maipfi ane nda tama u a amba. I wanala nga hangei kha Mishumo, ndima ya 7 ya Bugu ya Mishumo. Huno musi ni tshi khou i vula, ri do thoma kha ndimana ya 44.

⁵ Zwino ri khou ya Shreveport ino vhege, iyi vhege i daho, u itela mudubekano wa dzitshumelo, huno zwino ri khou yo lingedza, arali Murena a tshi funa. Mukomana Moore,

Mukomana Jack Moore, khonani yavhuđi ya Mukomana Pearry na nne, huno ri a mu funa Mukomana Jack. Mulaedza, ndi a elekanya, u nga wo mu kanganyisa zwițuku, nga maandamaanda kha zwińwe zwa zwithu zwine ra zwi funa nahone ra tenda, zwauri—zwauri Wo da kha rięe nga u pfuňululwa ha Mapfundu a Sumbe, sa zwine ra U tenda, u no nga sa, “mbeu ya ḥowa,” na—na mińwe-vho, mińwe ya iyo Milaedza. Uyo, khamusi kha vhańwe... Rine a ri elekanyi uri Uyu u a kondą, fhedzi, Wone, ni tea u vulela Ngoho mbilu yanu. Rine ri tenda zwauri ri khou tshila tshi—tshifhingani tsha vhufhelo. Izwo zwi tou vha zwa vhukuma nga maandą kha rięe, uri ri tou vha magumoni a ndila.

⁶ Huno u amba tshivhidzoni tsha muńwe munna, zwo luga, ni ɯodou hulisa u ɿanganedza vhaeni ha uyo munna, ha—ha u ni nea itsho tshifhinga tsha u da ngomu tshivhidzoni tshawe. Huno nne, zwa vhukuma, ndi tshi ɿivha uri a vha U tendi, huno ndi do vha hulisa lwo ɯedanaho lune... Hu na vhunzhi ho engedzeaho vhume ndi nga amba nga haho heneffo khawo, nga nnđani ha u disa Uyo ngomu; nnđani ha musi hu tshi tou vha Muya Mukhethwa u U sukumedzaho zwițuku, ni a vhona, zwenezwo zwa vhukuma ndi do amba vhunga O amba. Huno a thi ɿivhi zwa khwine u fhira u ita hezwo, nahone ndi a fulufhela uri na kathihi a thi gudi lwa khwine-vho u fhira u ita hezwo. Ni a vhona? Kha ri tou Li amba nga ndila ine A Li amba.

⁷ Zwino kha ri vhale fhedzi ndi—ndimana nthihi kana mbili hafha dzi bvaho kha ndi—ndima ya 7 ya Bugu ya Mishumo, ri tshi thoma nga ndimana ya 44.

Vhokhotsi ashu vho vha vhe na thaberenakele ya vhutanzi sogani, vhunga o vha o laya, a tshi amba na Mushe, zwauri u tea u i ita u ya nga ha tshivhumbeo tshe a tshi vhona.

Ye nahone khotsi ashu vho daho nga murahu vha i džhenisa na Yesu kha vhuńe ha Vhannda, vhe Mudzimu a vha pandela phanda ha tshifhaťuwo tsha vhokhotsi ashu, u swika mađuvhani a Dafita;

We a takalelwaa nga Mudzimu, huno a tama u wanela Mudzimu wa Yakobo thaberenakele.

Fhedzi Salomo o mu fhaťela yone nnđu.

Hone Wađaduluđadulu ha dzuli thembeleni dzo itwaho nga zwanda; vhunga muporofita a tshi amba,

Tađulu ndi khulunđoni yanga,... lifhasi ndi vhukando ha milenzhe yanga: naa ni do mphatela nnđu-de: u ralo Murena: kana ndi hufhio fhethu ha vhuawelo hanga?

Naa a si zwanda zwanga zwo itaho izwi zwithu zwothe?

⁸ Kha Holu, u vhalwa ha ulu Luñwalo, ndi ɯodou amba eneo maipfi a si gathi ane nda ɯodou amba Mukomana Pearry a sa athu disa mulaedza wa nga matsheloni.

⁹ Ndi wana hetshi tshi tshiñwe tsha zwifhinga zwi hulwane zwa madalo anga ngeno Tucson. Ndi da fhano ngauri ndo dededzwa u da fhano. Ndi da fhano ngauri Muya Mukhethwa, nga bono, wo nthumela fhano. Ndi a ɯivha zwauri izwo zwi nga di vhonala zwi tshi kanukisa, khamusi. Fhedzi Ene, u ya nga hune nda ɯivha, tshiñwe tshithu-vho tshine nda ɯivha nga ha Mudzimu, ndo ruñwa nga bono ngeno Tucson. Ndo mangala uri ndo da nda rumelwa hani ngeno afha fhethu hu re phanga. Huno zwenezwo fhano hune ha vha na . . .

¹⁰ Ndi tshi amba nga lwa maya, kha dorobo, a thi ɯivhi nga ha huñwe fhethu ho faho mayani lwo engedzeaho, u fhira doroboni ya Tucson. Hu na nndwa vhukati ha zwivhidzo. Hu na mañaña vhukati ha zwivhidzo. A hu na vhuthihi, huno muñwe na muñwe a tshi khou zhuvhula, na u fara, na u pwanyeledza, huno a tshi khou lingedza u wana *hetshi* tshiñwe, na u ita ɯhundu. Ndi phanga, ndi tshi amba nga lwa maya, hafhu.

¹¹ Fhedzi zwenezwo nda vhala Bivhilini, uri he Mudzimu a vhidza Mushe kule na vhafunwa vhawe na vhoñhe vhe a vha a tshi vha funa, huno a mu ruma sogani, u ñwala Milayo ya Bivhili. Iyo yo vha i Testamente Ndala, Bugu nña dza u thoma, Genesi, Levitiko, na Doiteronomio, Ekisodo. O . . . a tho ngo dzi amba fhedzi nga kushumele na kathihi, fhedzi idzo ndi Bugu nña. Idzo zwa vhukuma ndi Testamente Ndala. Ngauri, dziñwe Dzayo ho vha hu zwe vhaporofita vha amba, kha Phisalema dza Dafita, na dziñwe-vho, nga nn̄da ha Koronika dza dzikhosi. Fhedzi idzi dzo vha dzi dza mutheo wa Testamente Ndala. Mushe o dzi ñwala nga murahu ha u vhidzwa e shangohaya lawe, he a bebelwa hone huno a aluswa vhukati ha vhatu vha hawé, huno a rumelwa phangani, u ñwala iyi Bugu ya Testamente Ndala.

¹² Zwenezwo ndi wana hezwo Buguni ya Testamente Ntswa, hune Paulo, ane a vha musimuli, kana hu si ni musimuli, fhedzi muñwali wa Testamente Ntswa. Na ene o pandelwa vhukati ha vhatu vha hawé, nahone, nga Muya, a dzhena Arabia, he a vha hone miñwaha miraru na hafu, u wana u hevhedzwa. Huno Paulo ndi muñwali muhulwane wa Testamente Ntswa. Zwino, hu na Mateo, Marko, Luka, na Yohane, fhedzi vho vha vhe vha mañwalo vhe vha tou ñwala zwe Yesu a amba musi vha tshi khou di Mu tevhela. Huno, fhedzi, ni dzhia Bugu u swika kha Timótheo, na u swika kha Vharoma, na u swika kha Vhaheberu, na dziñwe-vho, Paulo o ɯanganedza u hevhedzwa uri a ñwale Testamente Ntswa; a tshi dzhia Testamente Ndala yoñhe sa murunzi, nahone a tshi i vhea kha nzudzanyo. Huno Mudzimu o i hulisa, huno a i ita Testamente Ntswa.

¹³ Huno zwino arali Testamente Ndala yo do tea u pandelwa ngei... muñwali o do tea u pandelwa kha vhathu vha hawe, a dzhena sogani, u wana u hevhedzwa uri a ñwale Testamente Ndala. Huno kha Testamente Ntswa, muñwali o pandelwa nga Musimuli, a dzhena fhethu hu re phanga, u wana u hevhedzwa uri a ñwale Testamente Ntswa. Huno Bugu dzo pfunelwa nga Mapfundo a Sumbe; na dzone dzi do ḥoda zwi fanaho, ndi a tenda, mađuvhani aya, u pfunulula ayo Mapfundo a Sumbe. U ḥutshela zwine na zwi funa, nā ya kha zwine na zwi vhavhalela, na haya huñuku he nda ñewa nga vhathu, na vhukati ha vhathu vhanga na dzikhonani, na tshivhidzo tshe tsha vha tshi tshi aluwa nga maanda, nahone tshi si na tshine tsha tshi shaya; huno u—u ḥutshela hezwo, u kokodzela kule hazwo, huno na ḥuwa, na bva na dzhena phangani hune na sa ñivhe na muthu, nahone tshiñwe na tshiñwe tshi tshi lwa na inwi.

¹⁴ Fhedzi hu na tshiñwe tshithu malugana na Mudzimu, uri U khada muthu u ita zwithu zwi no fhira ngelekanyo yawe, u itela uri zwi ise vhugala na khuliso ha Mudzimu. Huno ndi a pfa uri, hu si ni u dihulisa, fhedzi ndi—ndi pfa hu u tondwa uri ho vha hu u ḥutshela tshiñwe na tshiñwe tshe tsha vha tshi tshi vhidzwa tshi funwaho kha nñe, u swika fhano sogani ili huno nda tambula vhunga a thi athu tambula vhutshiloni hanga na kathihi, fhano sogani ili, kana phanga iyi. Fhedzi ndi a tenda, zwauri nga u ita hezwo na u thetshesela zwe Mudzimu a laya uri zwi itwe, Mudzimu o ri vuvela zwiphiri zwa lino ḥuvha la u fhedzisela. Huno ri fhano na uyu Mulaedza.

¹⁵ Zwino, ho vha na vhathu vhanzhi vhe vha ntevhela, huno izwo a si zwi sa ngi zwi si zwa misi. Kanzhi muthu ane ra... Vhathu vha a funana, huno lwone, lufuno, lu do ni khadela kha u ita zwithu zwine na sa elekanye uri no vha ni tshi nga zwi ita. Huno vhanzhi hanu no ḥutshela mahaya anu, no ḥutshela zwe ñothe, u itela fhedzi u ya, u bva na da fhano phangani.

¹⁶ Vhanzhi vho no mmbidza, vhanzhi vho no mmbudzisa, "Naa ri nga da Arizona? Naa hu do vha fhethu havhuđi kha rine?" Zwo luga, vhunga zwe ambiwa nga ha Mushe na vhañwe, ho vha hu si fhethu ha mitshelo, hu si fhethu ha liramba.

¹⁷ Fhano a hu na mushumo munzhi u no tea u itwa, huno u tshila hu nñha, na u dura ha vhutshilo hu nñha. Zwa vhukuma ndi fhethu ha u tshila ha mashudu mavhi, hone Tucson, Arizona; miholo i fhasi, nahone—nahone zwiliwa zwi nñha, na rennde. Ndi—ndi fhethu ha u dzula hu sa takadziko, nga uyo mukhwa. Fhedzi hu na mutakalo, ho oma. Huno rine tshiñwe tshifhinga... A ro ngo fanelu u isa ñhalukanyo dzashu kha zwithu zwa ili liphasi.

¹⁸ Ri fanelu u sedza kha u dededzwa nga Muya Mukhethwa. Fhedzi tshithu tshithihi tshe tsha mpfarisa khakhathi kha u da fhano, nahone ndi tshi vhudza vhathu, zwe luga, "ni songo da"

kana “ni tea u da,” hezwo ndi zwi sia kha muthu muñwe na muñwe, ndila ine Mudzimu a ranga phanda uyo muthu kha u ita. Ndi elekanya uri muñwe na muñwe washu u tea u ita hezwo, a dededzwe nga Muya, kha zwine a tea u ita.

¹⁹ Huno vhunzhi hanu fhano ni bva u mona na Jeffersonville, na vha tshivhidzo henengei, huno no da ngeno nn̄da. Zwino, tshithu tshe tsha nndina, ho vha fhethu ha vhurereli.

²⁰ Huno ndi a limuha, vhunga ndo vhala Luñwaloni hafha, nga ha Stefano na tshipitshi tshawe phanda ha lufu lwawe; ngauri vho mu kanda nga matombo nga u ḥavhanya ngavhuya, nga nthani ha mulaedza wawe. Musi a kha di amba, o ri, “vhokhotsi ashu,” a tshi khou amba nga ha Vhaheberu mađuvhani a u ranga, uri vho lingedza hani u funwa nga Mudzimu, u fhaṭa fhethu ha vhurereli. A amba zwauri, “Salomo o Mu fhaṭela nn̄du, kana tshifhaṭo.” Ri a i ḫivha iyo nganea.

²¹ Fhedzi ndi takalela maipfi awe a tevhelaho, “Hone Wañaduluñadulu ha dzuli nduni dzo itwaho nga zwanda,” na huñwe fhethu nga hangei kha Yesaya. O ri, “Muvhili Wo Nndugisela wone; ni a vhona, tshiñhavhelo na zwidzimu, na zwifhaṭo, na zwinwe-vho, fhedzi muvhili Wo Nndugisela wone.” Ndi zwone, ri a limuha uri o vha a tshi khou amba tshifhingani itsho nga ha muvhili we Mudzimu a fhaṭela khawo sa thaberenakele, kha Kristo.

²² Fhedzi ndi a tenda ñamusi, zwauri u hevhedzwa he ha da kha—kha Mukomana Green, uri a ḥuwe fhano, ene na Khaladzi Green, vha tshi litsha fhethu havho murahu ngei vhubvađuvha, na vhone, na hone-vho, murahu ngei Texas, u da fhano na... u thoma hu si na tshithu; hu nga u hevhedzwa fhedzi-fhedzi, vha tshi pfa uri vha tea u zwi ita. Ndi takalela vhanna vha no do tevhela u rangwa phanda nga Kristo, hu sa londwi u ḫura hune ha vha durela.

²³ Naho shango loṭhe, khamusi khonani dzanu dzone-dzone dza khwinesa, dzi elekanya uri ni khou khakha, fhedzi kha inwi a si u khakha. Musi ni tshi khou di pfa uri hu na tshiñwe tshithu murahu hazwo, ndi Mudzimu a no khou ni tshimbida; na kathihi a zwi khakhei, huno tshifhinga tshoṭhe zwi do fhela zwavhuđi.

²⁴ Ni a vhona itshi tshivhili tshiswa, muthannga o newaho mpho. A thi khou amba hezwi ngauri o dzula hafha. Huno uyu mufumakadzi muswa na vhushie hawe, e na muṭa une a tea u u alusa, nahone o litsha mushumo wawe na tshinwe na tshiñwe, uri a de ngeno.

²⁵ Ndi a limuha uri miñwahani yo fhiraho ndo vhidzwa mushumoni. A tho ngo vha nda vha mufunzi a bvelelaho na kathihi, ngauri ndi na muya wa u buđa-buđa, na u tshimbila-tshimbila. Ndi nga si fushee fhethu huñwe na huñwe. Huñwe na huñwe hune Muya wa sudzuluwa fhedzi, ndi tea u tou sudzuluwa

Nawo, ngauri ndi na Mulaedza. Yesu o ri, “Ndi fanela u rera na kha ino iñwe dorobo.”

²⁶ Fhedzi hu na avho vha re vhalisa vha no linda sambi. Ndi a livhuwa nga maanda uri Mukomana Pearry o tevhela u dededzwa nga Muya Mukhethwa, huno namusi ri na thaberenakele. Ndi ḫukhu. Iyo i tou vha yavhuđi lwo edanaho u thoma ngayo, u vhona zwine Muya Mukhethwa... Ri sa divhi, kha ri tou tshimbila nga liga na liga. Zwino, ndi a tenda, arali Mudzimu o amba na Mukomana na Khaladzi Green, u da fhano, huno a vula fhethu hune vhana vhashu; vhudzuloni ha uri Swondaha nga matsheloni vha vhe vha tshi khou reila baisigira dzavho, huno vha zwiṭaračani nahone vha tshi gidima u mona hothe, vha na fhethu hune vha nga da u rerela hone, vhudzuloni ha riňe ro dzula u mona hothe huno ri tshi khou thetshelesa tshiňwe tshithu tshe ra tshi pfa kha radio, zwine zwa vha uri zwe luga.

²⁷ Fhedzi riňe, sa itsi tshigwada tsha vhatu, ri na Mulaedza wa lino duvhā. Riňe, ri tenda zwauri Mudzimu o ri nea Mulaedza. Huno Mukomana Green, ndi, a thi ḫodi u mu vhidza a re muthihi na nne, ngauri riňe ri... Zwe luga, ndi zwone, na zwone, a re muthihi na nne, ri rothe kha uno Mulaedza. Mukomana Green u rera zwenezwo zwithihi na Mulaedza une nda u tenda. O ḫutshela haya hawe, o ḫutshela vhatu vhawé, o ḫutshela tshivhidzo tshawe. O vha, ndi a tenda, e suphirithennde wa dzingu kana tshiňwe tshithu, tsha liňwe la madzangano, huno itsi tshithu tshothe a tshi litsa musi a tshi pfa Hoyu. A ḫutshela tshiňwe na tshiňwe tshe a vha a tshi tshi funa, na tshone, uri a de phangani, u tikedza fhedzi zwine Mudzimu a khou ri nea zwino.

²⁸ Ndi ri ndi a tenda uri a zwe ngo tea fhedzi u vha mbiluni dzashu, hu tea u vha mushumo washu u mu tikedza, tshiňwe na tshiňwe tshine ra kona, u vha hone dzitshumeloni, u da ngeno u rerela, na u ita afha fhethu hune Mudzimu a nga ri dzumbululela zwithu zwine A vha nazwo u itela riňe uri ri zwi dzumbulule. Huno vhunga ipfi ḫawé lo ri, “Mulaedza a u di kha nne nga u newa u hevhedzwa, sa zwine wa ita khamusi kha vhaňwe vhashu, fhedzi,” a ri, “Nne ndi fhano u tikedza zwe Mudzimu a nea.” Ndi tshitatamennde-de nandi! Huno ndi a tenda, arali rothe ri tshi nga shumisana, ri do vhea mbilu dzashu khazwo.

²⁹ Ndi a divha zwauri muňwe na muňwe waňu, arali ni tshi pfa nga ndila ine nda pfa, nne ndi na ndala nga maanda ya u vhona Muya wa Mudzimu u tshi shuma, a thi tou kona u zwi kondelela. Dziňwe tshenzhemo dzine ndi kha di bva u vha nadzo nthia thavhani, u tou pfa itsi luthihi hafhu, itsi tshiňwe Tshithu tshee musi ndi tshi thoma u tshidzwa tsha vha tshi tsha vhugala nga maanda kha mbilu yanga! Huno ri nga dzhena fhethu, ri nga dzula nahone ra zwi vhona vhukati hashu, uri ri khou oma. Musi ro dzula hafha phangani, ndi dzhena vhukati ha vharathu vhanga, vha amba na nne na nne nda amba navho; tshifhinga tshothe, nga ndila ḫukhu ya u sedza, ndi tshi pfa henefho nnđa

nga Muya, sa zwe zwa vha zwi zwone, u vhona fhedzi nyimele ya uyo murathu, u vhona two khakheaho. Ndi thoma u pfa rothe ri tshi khou tshingama, ri tshi khou ṭutshela kule ha Muya. Two no vha tshithu tsho ḫoweleaho nga maanda kha riñe. Ri fanela u rerela ri Muyani, hune Muya wa Mudzimu... A si Mulaedza washu fhedzi une wa tea u vha khavhu ya awara, u tea u vha khavhu mbiluni dzashu. Ni a vhona? U tea u vha mbiluni dzashu, kana ri nga si—ri nga si U nee vhathu nga ndila yone. Muya u tea u hwala Mulaedza, Wone une. Huno ndi a fulufhela na u tenda kha muñwe na muñwe wañu, uri u Mukriste wa vhukuma.

³⁰ Zwino vha ḫoda vhaddededzi vha tshikolo tsha Swondaha. Vha khou yo ḫoda tshiṭafu. Huno ndi ḫodou amba hezwi uri ni pfesese nga hothe. Hetshi ndi tshivhidzo tshanga.

³¹ Ndo vha ndi fhano miñwaha miraru. Huno ndo vha ndi na vothi lithihi lo vuvelwaho nne, ilo lo vha li Mukomana Mack we a nkhumbelu u da u rera. Mudzimu a mu fhaṭutshedze. A tho ngo rambiwa nga vhañwe vhathu-vho; hu si na tshire nda lwa navho ngatsho, vho luga. Mukomana Brock, khonani yanga yavhuđi, Mukomana Gilmore, vhnunzi ha avha vharathu vha Pentekoste fhano, vha, vha khonani dzanga dzavhuđi vhukuma. Ndi a vha funa; a hu na tshire nda lwa navho ngatsho. Ndi pfesesa vhuimo havho. Vha nga si nthambe ngomu heneffo, huno vha sala kha dzangano ḫavho. Ni a vhona, vha nga si zwi ite. Ngauri, arali vha ita, vha a pandelwa. Ngauralo ni a vhona vhuimo havho. Ndo do livhana na zwenezwo zwitihiji. Fhedzi, nñenñe, ngavhe zwi tshi dzula zwi, “Tsha u thoma ḫodani Muvhuso wa Mudzimu,” lufuno lwa Mudzimu.

³² Huno zwino hezwo, Mukomana Green, Mudzimu o mu ruma ngomu hafha huno a ri vulela tshivhidzo tsha Lutendo lu fanaho lwa vhuṭhogwa lune ra tenda khalwo, ri fanela u livhuwa nga maanda Mudzimu, huno ra vha hone tshumeloni iñwe na iñwe, ra dzhia fhethu huñwe na huñwe hune ra kona. Huno arali ri tshi humbelwa u founa, u rabela, u ḫoda, u ita, kha ri vhe maswole heneffo kha... ri tshi tou swela mbilu u zwi ita. Ni a vhona?

³³ Dzulani ni tshi hulisa Mulaedza, nahone ni tshile vhutshilo ha lushaka lwavhuđi. Ni songo tendela luvhadzi u da Khawo. Ri khou tshila tshifhingga tsho no ṭuwesa zwino. Ro no—ro no lengesa kha awara. Kha ri U tshile tshothe. Zwo luga, vhutshilo hanga, vhutshilo hanu, vhutshilo hashu hothe vhu ḫodou dobiwa, phanda ha Mudzimu.

³⁴ Vhatu vhaswa vhashu vha sokou namela u mona hothe, u bva fhethu u ya fhethu, u bva shouni u ya shouni, nahone vha tshi pambutshela kule na kule ha Mudzimu. Ndi zwone. Zwino, iyo ndi ngoho. Ndi a i vhona kha vhananga, nahone ndi ḫivhona ndi tshi ya fhethu hune hu si... Vhoinwi, ni tea u kuvhangana nothe, u rerela Mudzimu; Bivhili yo ralo, “Musi ri tshi vhona ili ḫuvha li tshi sendela, kuvhanganani nothe lunzhi lwo engedzeaho.” Arali

hu na vhathu vhavhili fhedzi fhano, inwi ni vhe muňwe wavho. Zwino izwo ndi . . . Huno arali ri tshi kuvhangana roþhe nahone ra rerela roþhe, zwenezwo ri khou sokou, tshiňwe tshithu nga hazwo, Yesu o ri, "Hune vhavhili kana vhararu vha kuvhangana nga Dzina Langa, heneffo Ndi vhukati havho."

³⁵ Zwino, vhunga ndo no amba, Mukomana Green o mmbudza, nahone o zwi amba. Mufumakadzi wanga a ða, a mmbudza zwe a amba musi ndi siho. Hezwo, nahone o zwi amba matsheloni ano, "Phuluphithi yo vha yo vulwa tshifhinga tshiňwe na tshiňwe." Zwino kanzhi . . . Iyo i, vulelwa nñe uri ndi ambe.

³⁶ Zwino, kanzhi, ndo ðo tea u reila nñila yoþhe u swika Jeffersonville, Indiana, u nñea Mulaedza we Mudzimu a nnea wone, u u disa kha vhathu; wa tshimbila nñila yoþhe u swika Jeffersonville, Indiana, huno muňwe na muňwe wañu a tshi budabuða shangoni loþhe, huno a tshi khou tñmekanya thale na zwithu, u wana Mulaedza, ngauri uyo ndi wone une ra tshila ngawo. Ni a vhona, uyo ndi wone we ra ðela wone fhano. Ndi zwone, a ri tei u dovha ra ita hezwo.

³⁷ Mudzimu a nñea Mulaedza, ndi nga tshimbila henehafha u swika kha phuluphithi huno nda u rera, nahone nda pfa ndo vhofholowa u zwi ita. Iina. Huno ndi a tenda, nga izwo, uri Mudzimu Ramaandaoþhe u ðo ni fhaþutshedza arali ni tshi ðo tou ima na itshi tshivhidzo zwino, itshi tshigwada tsha vhathu. A si hezwo fhedzi, fhedzi kha ri bvele nnða huno ri vhone arali ri si nga wani vhaňwe uri vha dzhene. Ni a vhona, kha ri ambe na vhaňwe huňwe na huňwe, ri ambe navho nga ha tshivhidzo tshashu na zwine tsha amba. Zwine tshivhidzo tshashu . . . Ri fhano. Ri ðoda ni tshi ða, disani vhatsinda, huno ndi na ngoho zwi ðo vha zwavhuði kha riñe roþhe. Ni a vhona? Ri na tshifhaþo, tshine ra tshi livhuwa. Ri livhuwa afha fhetru, u kuvhangana roþhe.

³⁸ Fhedzi, "Hone Waþaduluþadulu ha dzuli thembeleni dzo itwaho nga zwanda, ni a vhona, 'Ngauri Taðulu ndi khuluþoni Yanga, huno lifhasi ndi vhukando ha milenzhe Yanga; huno fhetru ha vhuawelo Hanga ndi ngafhi?' Fhedzi Iwe wo Nndugisela muvhili."

³⁹ Huno ri Muvhili wa Kristo. Ngauralo ri tshi bva kha tshiňwe tshifhaþo ra ya kha tshiňwe tshifhaþo, ndi a tenda, kha u disa Milaedza yashu, huno ri ðo tsela fhasi huno ra vha na tshumelo dza phodzo. Huno tshiňwe tshithu-vho tshine Murena a ri dzumbululela tshone u tshi ita, ri ðo vha natsho henehafha tshivhidzoni, u swika tshi tshi zwimba tsha vha tshihulu nga maanda lune na do tea u tshi isa huňwe fhetru-vho, na huňwe fhetru-vho, u swika Yesu a tshi ða. Mudzimu a ni fhaþutshedze.

⁴⁰ [Mukomana Pearry Green u bula muhumbulo, huno zwenezwo a humbela Mukomana Branham u mu odeina. Tshikhala kha theiphi—Mudz.]

Kha ri kotamise zwifhaṭuwo zwashu.

⁴¹ Mudzimu a funwaho, musi ro ima hafha kha iyi pulatifomo, i no imela, henehfa kha alitari hafha, ri limuha uri ri lu—lushaka lu faho lwa vhathu, u ya nga ha zwi kwamaho ili lifhasi. Ri sedza nn̄da kha zwiṭaraṭa huno ra vhona tshivhi tsho nwaliwa huñwe na huñwe, na uri Vhugala ha Murena vhu khou ṭuwa nga luvhilo. Huno ri a divha, musi Vhugala ha Murena vhu tshi ya n̄tha, ngauralo Tshivhidzo tshi do ṭuwa Naho. Mudzimu, ri ḥodou vha henengei.

⁴² Mađuvha a si gathi fhedzi o fhiraho, ndo ima hafha khudani ya tshiṭaraṭa, u buđa tshiṭaraṭa fhedzi, ro sedza uyo mufoł u tshi tsa nga tshiṭaraṭa; nahone ndi tshi vhona idzo thannge dza kale dza Nndwa ya U Thoma dzo ranga phanda, zwenezwo ha da thannge l̄ihulu li lemehalo la Sherman, murahu ha heļo ha tevhela nga u ralo na nga u ralo, ha mbo da vhomme vha re na naledzi dza musuku; muṭa mułuku wo kwasheaho, u na mufumakadzi a no khou lila, na mutukanyana wa mathatha o lovhelwa nga khotsi awe, mme vho kegulaho vho lovhelwa nga murwa. Nda elekanya, “Zwi ṭungufhadza hani,” u ima khudani ya tshiṭaraṭa huno nda sedza tshiñwe tshithu tsho raloho tshi tshi fhira. Zwenezwo ndi tshi dzhiela nzhele, musi vha tshi fhira itshi tshifhaṭo, muzika wa shandukela kha *Iyani Phanda, Maswole A Tshikriste*. Vha tshi khou tambo mimatsho yavho, murahu; nga nn̄da ha musi vha tshi fhira afha fhethu!

⁴³ Mudzimu a funwaho, ndi khou elekanya nga ha tshiñwe tshifhinga tshavhudi tshi no khou da, huno itscho tshi do vha mvuwo, musi vhakale vha tshi do ranga u vuwa, vhakhethwa, vhomakhlukuku. “Ngauri riñe ri tshilaho huno ro sala a ri nga thivheli kana u khakhisa avho vho edelaho; ngauri porompiṭa ya Mudzimu i do lila, huno vhafu vha re kha Kristo vha do ranga u vuwa.” Zwenezwo musi ri tshi vhona itscho tshihulwane... vhathe fhedzi vha tshi ṭuwa, vha tshi matsha vha tshi ya n̄tha vha fhira lutombo; huno ri do vha ro ima, ro lindela u shandukiswa hashu, ri tshi divha zwauri ri do vha kha muduba, na riñe-vho. Mudzimu, ri ite maswole a fulufhedzeaho.

⁴⁴ Avho fhedzi vho no vhaho vhatihi zwa vhukuma nahone vho no vhaho nndwani vha do divha uri izwo zwa vhukuma zwo ambari, u vhona thannge idzo dzi tshi fhira dzi tshi kunguluwa. Huno, Mudzimu, ri elekanya uri avho vho vhaho vhe nndwani ya vhutshilo vha do divha zwine zwa amba zwone, musi ro lindela tshifhinga tshashu tsha u dzhena vhuimoni na fhethu, kha mvuwo, u ya n̄tha.

⁴⁵ Huno uyu, murathu wanga muswa, o imaho hafha, o pfumbudza zwavhudi, o dilugisaho, o ambaraho, o lindela mukalahi a tshi mu vhea zwanda, muñwe ane a vha mudzia-tshenzhemo wa kale a bvaho n̄tha ngei nndwani, a tshi divha uri u fanela u vha murado nndwani, na ene-vho.

Mudzimu a funwaho, nga hezwi zwanda zwi songo fanelaho ndi zwi vhea kha mukomana wanga, zwi tshi imela Zwau. Fhaṭutshedza Mukomana Green, Mudzimu a funwaho, ane nda mu fhaṭutshedza Dzinani la Yesu. Ngavhe a tshi hwala uyu Mulaedza, Murena, ngomu doroboni iyi na huňwe na huňwe hune Wa do mu vhidza. Ngavhe a tshi fulufhedzea, o dala Muya, a tshi tshila vhutshilo vhu sa solisei. Mudzimu, i ri a vhe na mbilu dza vhathu, uri a kone u vha funza na u vha ranga phanda nahone a vha sumbedza ndila ine roṭhe ra tama u tshimbila ngayo. Zwi tendele, Murena.

⁴⁶ Fhaṭutshedza mufumakadzi wawe a fulufhedzeaho, vhana vhaṭuku vhawe. Fhaṭutshedza vhuddini hashu fhano ri roṭhe, vhunga vhakomana vha re Vhakriste fhano kha lifhasi, uri ri kone u hwala aya Mafhungo-madifha u swika magumoni a shango. Rumela Muya Wau khae, Mudzimu. Ri rabela Dzinani la Yesu Kristo, vhunga ri tshi mu nekedza kha Iwe. Amene.

Mudzimu a ni fhaṭutshedze, Mukomana Pearry. Hwalani Ipfi la Mudzimu!



NAA NI DO MPHATELA NNQDU-DE? TSV65-1121
(What House Will You Build Me?)

Hoyu Mulaedza nga Mukomana William Marrion Branham, u rangani wo ḥewa nga Tshiisimane nga matsheloni a Swondaha, Lara 21, 1965, Thaberenakeleleni ya Tucson kha la Tucson, Arizona, U.S.A., wo dzhiwa kha rekhodo ya theiphi ya imaginete huno wa gandiswa u songo pfufhifhadzwa nga Tshiisimane. Heyi ḫhalutshedzo ya Tshivenda yo gandiswa huno ya phaḍaladzwa nga vha Voice Of God Recordings.

TSHIVENDA

©2015 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Ndīvhadzo ya nzivhanyedziso

Pfanelo dzōthe dzo londolwa. Heyi bugu i nga ɖi gandiswa nga tshigandisi tsha hayani u itela u shumiswa nga muthu ene muñe kana uri i anđadziwe, hu si na mbadelo, sa tshishumiswa tsha u phađaladza Mafhungo-mađifha a Yesu Kristo. Heyi bugu i nga si kone u rengisiwa, u bveledzwa hafhu nga maandesa, ya poselwa kha website, ya vhulungiwa kha sisteme ya u wana mafhungo, ya ɬalutshedzelwa kha dziñwe nyambo, kana ya shumiswa kha u ɬuɬuwedza u humbela tshelede hu si na thendelo yo ñwaliwaho zwi khagala nga Voice Of God Recordings®.

U itela u ɖivha zwinzhi kana u itela zwiñwe zwishumiswa zwi wanalaho, kha vha kwame:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org